

ТАНЗИЛА НОРБОЕВА: ФАРФОНА ХАЛҚИ МЕҲНАТКАШ, АЁЛЛАРИ САРИШТА

Ўзбекистон Республикаси Олий Мажлиси Сенати Раиси Танзила Норбоева Фарфона вилоятида бўлиб, “Темир дафтари”, “Аёллар дафтари”, “Ёшлар дафтари”га киритилган оилалар билан секторлар кесимида “маҳаллабай” ишлаш тизими асосида олиб борилаётган ишларни ўрганмоқда.

Аҳолини ҳаётдан рози қилиш бугун барча даражадаги раҳбарларнинг асосий вазифасига айланган. Хусусан, пастга тушиб, қуи бўғин билан ишлаш орқали йиллар давомида ҳал этилмаётган муаммолар ўз ечимини топмоқда. Оғир вазиятга тушиб қолган хотин-қизлар, эҳтиёжманд оилаларнинг мушкули осон бўлиб, ҳаётга умид уйғонаётгани ҳам аслида ана шу ислоҳотлар самарасидир.

Сенат раисининг ижтимоий ҳимояга муҳтоҷ хотин-қизларни ўқитиш, иш билан таъминлаш, тадбиркорликка жалб этиш, уй-жой муаммоларини ҳал қилиш, ёшлар сиёсати ҳамда ҳудудни “қизил” тоифадан чиқариш борасидаги ишлар бўйича ўрганишларининг дастлабки манзили Кўштепа тумани бўлди.

“Истиқбол” маҳалла фуқаролар йиғини Марказий Фарфона чўлида жойлашган бўлиб, аҳоли асосан дехқончилик, хунармандчилик билан шуғулланади. “Маҳаллабай” ишлаш тизими асосида ҳар бир хонадонда ўрганишлар олиб борилиб, “Темир дафтари”, “Аёллар дафтари” ва “Ёшлар дафтари” шакллантирилган. Уларнинг бандлигини таъминлаш, даромад топишига кўмаклашиш мақсадида субсидиялар ажратилмоқда, бўш иш ўринларига таклиф этилмоқда. Шу билан биргаликда моддий-маънавий қўллаб-қувватланяпти. Маҳалла аҳлиниң томорқадан самарали фойдаланишда йилдан-йилга тажрибаси оиласидан фаровонлигини таъминламоқда.

Сенат раиси Саодатхон Умарова, Матлубахон Мирзаева ва Маъмурахон Турғуновалар хонадонида бўлиб, уларни “Аёллар дафтари”дан чиқариш борасида бажарилган ишлар билан танишиди. Бу оилаларга маҳаллий ҳокимлик томонидан субсидиялар асосида иссиқхоналар қуриб берилган, ҳозирда қалампир, бодринг, помидор етиштирилмоқда. Карантин даврида “Саховат ва кўмак” жамғармалари орқали моддий-маънавий кўмак мунтазам равишда кўрсатилди, уй-жойлари таъмирланди.

Мулоқот чоғида мамлакатимизда хотин-қизлар масаласи доимо Президентимизнинг эътиборида бўлиб, ҳар бир оила баҳтили ҳаёт кечириши учун зарур шароитлар яратиб берилаётганлиги таъкидланди.

Маҳалла ҳудудидаги уч қаватли бино анча йиллардан буён ташландиқ ҳолатда эди. Туман ҳокимлиги бу ерни таъмирлаб, уй-жойларга муҳтоҷ оилаларга беришни режалаштирган. “Ақрам шоҳ” масъулияти чекланган жамияти томонидан сифатли қурилиш ишлари бажарилди.

Эшонгузар маҳалласида яшовчи Муножатхон Боқиеванинг 4 нафар фарзанди бор. Ўн йилдан буён боғдорчилик дала шийпонида яшайди. Бу аёлга мазкур кўп қаватли уйлардан бири узоқ муддатга ижтимоий ижарага берилди. У ва фарзандларининг бу эътибордан қувончи чексиз.

– Президентимиздан миннатдормиз, – дейди Муножатхон. – Оталарча ғамхўрлик кўрсатяпти. Уйсизлик жуда ёмон экан. Йиллар давомида шундай шинам уйимиз бўлишини орзу қилардим.

Танзила Норбоева З нафар “Аёллар дафтари”да ҳисобга олиниб, нотурада жойларда яшаётган аёлга янги уйларнинг калитларини тантанали равишда топшириди. Умуман олганда, туман бўйича 9 нафар ана шундай тоифадаги хотин-қизлар шу ердаги уйларга кўчиб ўтади.

- Фарғона ҳалқи меҳнаткаш, аёллари саришта, – дейди Танзила Норбоева. – Бу ерга келарканман, обод маҳалла ва кўчаларни кўриб, дилим яйради. Сиз, аёлларни нафақат ташки қиёфандигиз балки, қалбингиҳ ҳам гўзал эканлиги таҳсинга лойиқ. Ҳаётдан рози бўлиб яшашларингга кўмаклашиш мақсадида ўзим келдим. Аёллари, онлари баҳтли юртда тараққиёт, юксалиш бўлади. Уларнинг кўзларида асло ёш бўлмаслиги керак.

Бугунги кунда туманда ёшларнинг бандлигини таъминлашга алоҳида эътибор қаратилмоқда. Хусусан, “Абдулҳамид Абдурашид файзи” масъулияти чекланган жамияти томонидан ёшлар кооперацияси ташкил этилди. 7,2 гектар ер майдони 24 нафар “Ёшлар дафтари”га киритилган ўғил-қизларга 30 сотиҳдан ажратиб берилди. Ҳозирда ёшлар бу ерда тарвуз ва қовун парваришламоқда. Сенат раиси мазкур дала майдонида бўлиб, ёшлар билан сұхбатлашди. Уларнинг орзу ва режалари билан танишиб, ҳунар ва билим ҳаётда доимо асқатишини таъкидлади.

Туманда “Fergana Global Textile” пахтачилик-тўқимачилик кластери самарали фаолият кўрсатиб келмоқда. Айни кунларда бу ерда уч мингдан ортиқ киши меҳнат қилаётган бўлиб, уларнинг 850 нафарини хотин-қизлар ташкил этади. Кластер томонидан “Кумтепа” маҳалла фуқаролар йиғинида 100 миллион долларлик истиқболли лойиҳани амалга ошириш режалаштирилган. Бу 2 минг 700 та янги иш ўрни яратиш имконини беради.

Танзила Норбоева кластер фаолиятини кўздан кечириб, хотин-қизлар билан мулоқот қилди. Уларнинг таклифини эшилди, орзулари, кайфияти билан қизиқди.

“Лангар” маҳалла фуқаролар йиғинидаги “Uniform Partner” масъулияти чекланган жамиятида маҳсус кийим бош ишлаб чиқарилади. 35 нафар қишлоқ аёллари меҳнат қилмоқда. Сенат раиси бу ердаги ишлаб чиқариш жараёнлари билан танишди. Туман ҳокимлиги ва масъул мутасаддиларга жойларда бу каби ишлаб чиқариш тармоқларини кўпайтириш, ишсиз аёллар бандлигини таъминлаш борасида тавсиялар берди. Корхонада ишлаётган аёллар сұхбат чоғида ўзларининг дил сўзларини билдириди.

Халқ депутатлари туман кенгashi депутатлари билан мулоқотда худудни ижтимоий-иктисодий ривожлантириш, камбағалликни қисқартириш каби йўналишлардаги муаммоларга алоҳида эътибор қаратилди. Бу борада сектор раҳбарлари ва депутатларнинг масъулияти муҳим эканлиги таъкидланди.

Тошлоқ туманида давом этган учрашувларда ҳам худуд тараққиёти, аёллар ва ёшлар бандлигини таъминлаш, тадбиркорликни ривожлантириш масалаларига алоҳида эътибор қаратилди.

[Бизни ижтимоий тармоқларда кузатинг Facebook,](#)
2021-04-29 21:22:04